



Infuormaziuns

mai 2024

Stimats genituors

L'ultim quartal da l'on da scoula ha cumanzà. Nus sperain ch'Els hajan pudü giodair il temp da prümavaira ed eschan prunts pellas ultimas eivnas da l'on da scoula curreint. Sco minch'on sta eir la planisaziun dal prossem on da scoula sül program da lavur.

Chalender d'occurrenzas fin la fin da l'on da scoula

Il chalender d'occurrenzas vain adattà regularmaing sùlla pagina d'internet da las scoulas dal cumün. Infuormaziuns a cuorta vista vegnan dattas inavant directamaing da las muossadras, magistras e magisters da classa o in fuorma cuorta cun ün e-mail davart dal secretariat o da mia persuna.



Nouvas personas d'instrucziun

In marz vaina pudü infuormar davart las novas personas d'instrucziun pel on chi vain. Dürant ils ultims mais ha duonna **Gretta Caviezel** instrui a las scolaras e'ls scolars da la scoulina integraziun da lingua. Ella ha substitui a duonna Marigretta Dettmann chi nun instruischa pel mumaint our da motivs da sandà. Gretta Caviezel es pronta in cas da bsögn dad instruir eir d'ürant il prossem temp. Nus ingrazchain ad ella fich pella flexibilità e giavüschain a Marigretta Dettmann tuot il bun.

In cas da mancanza da personas d'instrucziun nu s'inclegia da sai cha fingià in mai as poja orientar davart classas e personas d'instrucziun da l'on chi vain. Nus eschan fich cuntaints cha tenor stadi actual paran dad esser occupadas tuot las plazzas fingià uossa ed uschè pudaina eir dar cuntshaint la spartiziun da classas per l'on chi vain.

Illa prosma gazetta da scoula vegnan Els orientats davart tuot las mutaziuns da personal per l'on chi vain, impustüt eir davart personas chi bandunan nossa scoula pella fin quist on scolastic.

Spartiziun da las classas on da scoula 2024-25

Scoulina Muntanella: Sara Büsing
Scoulina Squilat: Martina Näff
Scoulina Girun: Babina Planta / Berta Schwarz

1. primara: Ladina Barbüda
2. primara A: Madlaina Gaudenz
2. primara B: Seraina Fedi / Urezza Barblan
3. primara: Damian Schudel
4. primara A: Nina Magni
4. primara B: Madlaina Schloeth
5. primara A: Sara Kopania
5. primara B: Natalia à Porta
6. primara: Armon Caviezel

1. reala: Martin Schloeth
2. reala: Ramun Corradin
3. reala: Corsin Marugg

1. secundara: Claudio Melcher
2. secundara: Adrian Viletta
3. secundara: Fadri Mosca

Uraris on da scoula 2024-25

Ils uraris pel nouv on da scoula sun pronts, ma ston amo gnir sancziunats dal cussagl da scoula e da l'inspectorat da scoula e scoulina. Quai es il cas intuorn la mità da gün. Subit cha tuot es uffical e pront, daina inavant ils uraris a genituors e scolaras e scolars. Genituors chi han però fingià uossa dumondas d'urari, pon jent as drizzar invers las personas d'instrucziun o invers il mainascoula e survegnan a cas infuormaziuns „provisoricas“. Nus Tils ingrazchain per Lur incletta.

Ed uossa resta amo dad ingrazchar a tuots pella collavuraziun e la fiduzcha e giavüschar a tuots ün bel temp da stà.

Amiaivels salüds



Mario Rauch, manader da scoula

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindefsprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a língua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado em „Gazetta da scoula“.